



山種河知  
金

格物  
辨言

13  
1494  
1

書





加  
號 1494  
卷 1-8



序

古云不得為良相則為良  
醫夫醫與相位分雖殊而  
其濟人利物之功則同耳  
雖然醫者意也神而明之





存乎其人自非博學多聞  
格物窮理之微者不能臻  
夫精妙也余承乏南越奉  
養吾母於官舍炎方風候  
既殊而吾母又常苦臂痛

徧求醫藥未得霍然余每  
早夜切祝曰安得遇緩和  
其人者俾吾母康且健乎  
癸亥歲朱子凝陽自江左  
來粵余初未之聞也既聞



之復阻于人言未之深信也去冬來端州余始與之接叩其中誠所謂博學多聞格物窮理之微者而于農軒一道尤得其精妙廼

延視吾母初診之曰未可輕言病源也再診之曰吾得之矣此氣鬱血虛症醫者誤以風治耳遂以舒補之劑進而吾母卽獲稍安



時余有入 賀之役再拜  
以情告畱其在端調理而  
朱子毅然任之無難色余  
汲汲往返三閱月而事竣  
既歸署見吾母顏色沃如

精神倍健矣此又朱子之  
意氣過人者于是越中士  
大夫爭相延致而朱子所  
投輒效因自笑曰吾非醫  
也苟於人有濟卽目爲扁



鵲倉公何不可者乃出其  
生平所輯奇方示余欲鏤  
版傳播俾夫遐陬僻壤卒  
有陰陽之患者不至求藥  
如金而望醫如帝朱子之

用心可謂至矣然服藥求  
效祇取濟于一時而却病  
延年務講求諸平日蓋嗜  
欲不節非以衛生神爲形  
役非以養性七情六欲動



爲牽制非以達觀復於急  
救之外輯飲食修養格物  
三種其仰稽天候俯察地  
脈悟生理之自然識物性  
之萬變悉於是書備之噫

朱子以濟人利物之心寓  
之于醫而行之以正其功  
詎謂出良相下哉以語朱  
子其必以余爲知言也夫

關中韓作棟題



序

言行一也。矢之為言者，出  
之為行內，以淑其躬而外  
以善其人民。大之則帝王，  
誥誓之文，小之亦士君子。



要實之信賴近言與行殊  
以虛誕不經為畸邪無檢  
言敗而行隨之故不可以  
見諸言者即不可以見諸  
行也濼陽朱年翁金玉其

青而矩矱其步予畸者所  
仰未獲定交時以台宰相  
遇梁園恍矯希有素因得  
讀其貽善堂諸書素性命  
之微究倫物之細真揭其



仰觀俯察之原與天下共  
之更衍爲鐸言曉暢條達  
使愚夫愚婦一聞輒警何  
其明以敏也余聞周公旦  
立即言義坐而言仁漆雕

氏言人之美隱而顯言人  
之過微而著嚴公平與臣  
言忠與子言孝皆五聖賢  
風規百世於沐其教澤今  
鐸言一書所裨於身心世



道匪淺秋請枕中不揭之  
與日月並行不幾失潞陽  
淑躬善世之旨也哉况其  
官鄰下劣所之既有效矣  
又安可忽乎故力勸之以

付剗剗

青岑年家弟李良諫擇題



序

語有之言；勸人若安粟  
帛之賜其以為戒則恥甚  
於箠撻言誠不可以已也  
世者晚季閭井多無賴子



第士大夫以權力相雄長  
可與言者誰哉若仁者之  
深心存仁者之至言如推  
身於陸其說必不行則世  
胥比矣仁者忍乎哉此際

陽朱先生之身所以愈不  
可以已也凝陽鍾永叔元  
晦之鄉官次公穉圭之地  
觀感而真儀型不遠自今  
而壯講習禮義敲篤踐履



炯然內觀於肺腑闡然外  
順乎耳目脩身葆心理性  
之旨弘其民胞物與之量  
斯著乎身啟世等書盛行  
于世而余尤欽服其鐸言

式問責實在日用彝倫之  
間而擴充則家國天下之  
本根諸身而為諸行徵諸  
行而用諸世此物此志也  
濼易其真鐸者虞鐸之為



器虛而能靈含舌以擊或  
為聖以行軍夾為木以著  
殺擊之至者用匿不祥也  
斃場以之名是篇非道人  
詢路之遺乎若凍水著家

範一書以載皆聖賢修齊  
之率西山大學所載本經  
平格言而述以己意于成  
逸款慎言以三致意者余  
願世返蕩乎人滌除禍盡



龜鑑於此鐸言潞陽先生  
其不為凍水西山也幾希  
矣

考

康熙壬戌中秋前五日東

治年家眷同學第魏憲  
惟度揮題于大果之步  
龜園



鐸言目錄

不自棄文

勤學

正己十要

知分

惜福

陰德

戒殺



安命

財產不消大

財產莫嫌少

修身

齊家

急救洵知序

上古聖人吉凶與民同患而醫道以興然黃岐之書  
多言鍼法自漢仲景氏始製方療疾厥後而名醫單  
出後先接踵雖其人未及皆以同患為心而精專一  
藝窮幽遠渺要亦聖賢之流也然其為書可以汗牛  
其為策不無珍異揆夫販婦一旦感三邪傷六氣方  
將衣食之不充又安能自達于名醫之門而力致夫  
可貴之劑唯呼天搶地終于轉死溝壑而已矣凝湯



朱子起而憂之乃檢古今方書與耳聞目見實、可  
以療人之疾而不費彼時者謂之急救輯成一編以  
告天下而尚恐擔夫販婦之流目之識字雖有此書  
同于不見所望同志君子廣為傳說而揄揚之使一  
傳十、傳百更推廣良方而用之以行其有利於人  
豈淺鮮哉滂陽幼負異安長通玄學與予為同道交  
而此書特其一種亦稍通醫理而不教以之名家然  
其心實同惠之心也予欣喜而為叙之以弁首

康熙十五年一陽月同學平園周陳傲題



序

古人著書立說不務徇名惟期有用故一言出而贖  
者可使復明聾者可使復聰可以轉危而為安可以  
易亂而為以真如苦海之有慈航昏衢之有巨燭足  
以溥濟天下之民度盡一世之厄然後筆之於書而  
又恐其宜於古不便於今通於徑不達於權也於是  
考之羣書驗之衆說使夫先後可以通行常變可以  
利用而其書遂奉為家珍傳為國寶以成万世不刊



之論蓋自六經子史而外其有用於世者誠莫如醫  
學方書矣予先君子少而博搜羣編於聖理賢傳固  
已靡不搜討而靈樞素問岐伯俞跗之書尤復殫心  
考究其於手錄而珍藏者不啻累牘每於考驗湯人  
之章必注後論列一篇之中三致意焉其留心救世  
者已久也予小子弗克讀父書以成父志今一旦而  
得覩凝陽先生所集急救及醫學諸書刻列曲證研  
幾極深頓覺曠者可復明聵者可復聰可以轉危而

為安可以易亂而為治真足以溥濟天下之民度盡  
一世之厄者已而細考之其說悉與先君子所錄互  
相發明大同小異讀竟而不暇愴然也曰先生之書  
實予所有志未逮而願竊比之者也又何不可奉為  
家珍傳為國寶以成吾世不刊之論也哉是為序

黃山蔣澣題於西園之卷石山房



鐸言自述

嘗聞得指南車而識道路猶人獲良師友以啓愚蒙  
甚矣嘉言懿訓殆人心之指南也歎宣聖有言曰性  
相近也習相遠也人誠於蒙句之年父師早以聞之  
日使之聞正言聆正誨朝而習焉夕而維焉不被異  
說而遷焉其於端蒙養作聖基也夫何邪哉余幼稟  
羸弱性喜誦讀從學於陳六奇先生每於經書句課  
之餘即錄先正格言一二則耳提面命講說曲喻謂



能體此而行之一生妄用不盡惟時心知其善猶未  
知其所以善也迄今強仕念茲在茲佩服不忘始知  
言之皆珠璣字之皆金石而先生之教真發蒙養正  
之功也因檢叢日函丈所聽真者教則用以告諸世  
雖曰六經四子悉聖賢之行事為可法者然微言渺  
若鄰以責小成之學惟此淺近之言明題易入誰謂  
下學而上達之發軔也教世有父若師而不知所以  
教子弟與教之而不使之見道者此亦可為指南之

一助云

凝陽朱本中自述



四種須知序

事物之理有不可知者有  
不可知者有可知者有不  
可不知者六合宵茫五行  
幻化不可知者也百家紛



曠二氏淵激可不知者也  
在恒宜忘日用從違可忘  
者也衣飲起居病患醫藥  
不可不知者也不可不知而  
務知則妄可不知而務知

則憊可知而不務知則愚  
不可不知而不務知則殆  
然則人亦務其所以知與  
不可不知者而已矣雖然  
知亦空易言哉自既未能



有非知之心復無既知之  
人以通之勢必重、有安  
其故者信、有駢于迷途  
至于一室一身而弗克自  
檢一朝一夕而弗克自適

則止安所商其知慮乎余  
不敢自謂有知而竊有志  
於刑知以醫業一事每有  
所聞見輒手錄之積久成  
帙以塵草廡、未暇鈐次



頃得朱子擬陽頃知四種  
若獲我心者蓋我籍繁矣  
廸人知子博而莫窮不如  
廸人知子簡而易於鉤你  
索隱以求知而難通不如

執事考驗以求知而有功  
也人苟守其說則知葆真  
以衛其生願嘗以安其平  
治標以扶其傾且披箴採  
諫以開其性而翫物察理



以怡其情此則斤、然以  
求知終始、然無所弗  
知是書之即願不傳歟余  
因亟付剞劂而傳之俾人  
得是編則寒叟表髮坐收

和扁之效窮墟僻壤以蓄  
金石之林而又何患於著  
知而不知耶若其所以著  
寒諸書則又精義入神為  
知道之至微者亦者為嗣



梓以壽世為

康熙二十四年中秋日

越吳興祚題于端署

運籌堂

貽善堂四種序

昔伏羲氏仰觀俯察近取

遠求肖物畫卦古史稱之

至於神農制頰鞭鞭草木

而嘗之蓋嘗一日遇七十



二毒不憚其勞若軒轅乃  
作素問靈樞令其臣岐伯  
雷公鬼臯區革更相詰難  
審脉察俞定為鍼灸歷漢  
晉唐宋之諸名家若葛洪

陶弘景孫思邈之流莫不  
綴緝增上蓋於醫道深即  
於僊道近矣閱朱子凝陽  
四種須知一書飲食養身  
格物急救取類該博辨物



精詳名實罔淆儲用各別  
誠昔人所謂可以保身可  
以全生可以濟世之養也  
捐資剗厠海內傳誦今會  
其一片苦心於以治心於

以治政於以忠君父而利  
濟羣生凝陽之明德遠矣  
雖然醫猶丹青者然學畫  
之家未學畫而先求步影  
猶醫不遽言醫而先求明



理夫明理孰有如凝陽之  
所著作調情養性探微擊  
隙之咸協者乎審於日用  
之羨通乎陰陽之道真可  
與軒岐之內經異授而同

觀予固知凝陽有相之道  
而大得古聖賢之用心也  
不揣固陋為數言弁其首

省

康熙二十八年仲秋穀旦



千山郎廷棟文木氏頓  
首拜撰

序

今天子加惠元、休養生  
息念湯火兵燹之後或罹  
天札爰  
詔御沈廣輯古今鑿鏡彙



成大書以溥濟天下誅筆  
事也獸嶺表之俗豎不暇  
巫有病則椎牛祈賽生死  
碎命於神絕口不談醫藥  
間有習之者亦不甚工人

亦以此輕之天戕民命性  
道而是甲子初夏余病痢  
困頓殊甚巫因素所不信  
者然欲戒可以壽死生者  
絕無其人新安朱員凝陽



意客羊城聞余病亟來視  
余持余手道病源洞見肺  
腑余於昏迷中聆其緒論  
若筭枚乘之七發而讀陳  
琳之檄也不教眼而沈疴

起矣夫朱君循紳名考初  
不以墜名細研其中歲凡  
天地瑤瑁管生性命之書  
莫不以激是者今異人宜  
早出其緒餘豈可以活耳



爲人也仲日發其首得須  
知一編自飲食起居以及  
方書內卷條貫畢具仁哉  
朱君之爲心也昔扁鵲名  
聞天下過邯鄲聞貴婦人

即爲婦人醫過洛陽聞愛  
老人即爲老人醫入咸陽  
聞愛小兒即爲小兒醫於  
是隨俗爲變耳朱君猷甲  
明大義於舉俗不信之間



惟恐人之或枉其生也其  
惠及斯人為憚如或曰是  
徧誠善矣其如俗之不信  
何余曰人無不愛其生者  
特未有作而起之者耳吾

聞名黎台一刺潮陽與杞  
教化至今潮陽之士聲  
名文物為百粵冠風俗何  
不可移之有將見此書既  
出天下矚為披覽印嶺徼



荒服抑且日奉一暨和而  
事之矣是須知一編有即  
於王道民風也不小改制  
府伯翁吳公鑄其書而余  
認為之序其首

康熙二十四年重九後五  
日建州王永譽題於禺  
山公署



貽善堂四種序

太史公去秦火未遠以有

載籍極博之言矧今之世

歷三漢六朝唐五代宋元

明以逮



本朝其間文章經濟之偉  
人班、伏、出諸子百家之  
書雖汗牛充棟不足以喻  
其多居今之世即述古人  
之言亦不易遑言作乎然

而有所著述者則非偉人  
不可也朱子濂陽新安皆  
曾家學淵源性情侷儻固  
不易得之本也曾官於中  
州教条經治實政已施行



於洛陽矣偶亦解組暫  
林下遂怡情於泉石遨遊  
於湖山足跡所經半天下  
所見益廣所聞益富滴人  
利物之念固無一刻不真

諸囊抱間於是閉門著述  
成書四種歎於岐黃一種  
更詳哉言之皆有闕於術  
生修養飲食調攝之宜昨  
風雲月露之章凌美醜閑



者此也士君子生天  
地間顯而行道以  
有切於世與  
隱而立言以有  
切於世迹  
異而理同無非  
濟世之  
心也古不云乎  
不得化良

相亦考為良蹟  
朱子之心  
無時不存利  
濟誠者代之  
偉人必如此  
而後可以言  
述可以為作也  
予與朱子  
交窮久知  
最爾特為  
教言



志其際并述其為人立心  
有如此至其盡已公之天  
下天下人亦共見共貴者  
予又何庸贅一詞哉  
康熙二十八年新秋廣寧

郎廷極紫衡氏桐首揮撰



鐸言

不自棄文

夫天下之物皆物也而物有一節之可取且不為世之所棄可以人而不如物乎蓋頑如石而有攻玉之用毒如蠍而有和藥之需糞其穢矣施之菽田則五穀賴之以秀實灰其冷矣俾之洗滌則衣裳賴之以精潔食龜之肉甲可遺也南人用之以占年食鵝之肉毛可棄也峒民縫之以禦臘類而推之則天下無



棄物矣今人見棄持其自棄庸五行以性其性五事以形其形五典以教其教五經以學其學有格致體物以律其文章有課式程式以梯其富貴達則以是道為卿為相窮則以斯道為師為友今人見棄徒怨天尤人而不自尤自罪自怨自悔卓然立其志銳然策其功視天下之物有一節可取且不為世之所棄豈以人而不如物乎今名卿士大夫之子孫華其身甘其食謏其言傲其物遨遊燕樂不知身之所以耀

潤者皆乃祖乃父勤勞刻苦也飲芳泉而不知其源飾香黍而不知其苗一旦時異事殊失其故慙士焉而學之不及農焉而力之不堪工焉而巧之不素商焉而費之不給當是時也窘之以寒暑艱之以衣食妻垢其面子釁其形雖殘羹冷炙吃之而不慚穿衣破履服之而無恥黷然而莫振者皆昔日之所為有以致之而然也吾見房杜平生勤苦僅能立門戶遭不肖子孫蕩覆殆盡斯可鑑矣又見河南馬氏倚其



富貴驕奢淫泆子孫為之燕樂而已人間事業百不  
識一當時掃為酒囊飯袋及世變運衰餓死於溝壑  
不可計數此又其大戒也為人孫者當思祖德之勤  
勞為人子者當念父功之刻苦孜孜汲汲以成其事  
兢兢業業以立其志人皆趨彼我猷守此人皆逸之  
我獨不移士其業者必至於登名農其業者必至於  
積粟工其業者必至於作巧商其業者必至於盈貲  
若是則於身不棄於人無愧祖父不失其貽謀子孫

不淪於困辱永保其身不亦宜乎

### 勤學

富家不用買良田書中自有千鍾粟安居不用架高  
堂書中自有黃金屋出門莫恨無人隨書中車馬多  
如簇娶妻莫恨無良媒書中有女顏如玉男兒欲遂  
平生志六經勤向牕前讀

父母養其子而不教是不愛其子也雖教而不嚴是  
亦不愛其子也父母教而不學是子不愛其身也雖



學而不勤是亦不愛其身也是故養子必教教則必  
嚴嚴則必勤勤則必成學則庶人之子為台卿不學  
則台卿之子為庶人

勿謂今日不學而有來日勿謂今年不學而有來年  
日月逝矣歲不我延嗚呼老矣是誰之愆

一寸光陰一寸金寸金難買寸光陰寸金使去重來  
日一寸光陰不復臨

有田不耕倉廩虛有書不教子孫愚倉廩虛兮歲月

乏子孫愚兮禮義疎若惟不耕與不教是乃父兄之

過歟

光陰迅速急如梭莫把青春錯放過架上詩書勤讀  
誦隴頭田地莫蹉跎夙興夜寐思繩武東蕩西遊莫  
他多少世人慵懶者老來無奈一身何

正己十要

一曰言行要留好樣與兒孫心術不可得罪於天地  
二曰無以嗜慾殺身無以貨財殺子孫三曰女正位



乎內男正位乎外四曰居必擇隣交必擇友五曰但  
知行好事莫要問前程六曰無益之書莫讀不急之  
務莫營七曰人有不及可以情恕非意相干可以理  
遣八曰寧人負我毋我負人九曰莫使滿頂蓬常留  
轉身地十曰不作風波於世上天下應無切齒人

### 知分

諺云房屋不在高大不漏便好衣服不在綾羅和暖  
便好飲食不在珍饈飽腹便好娶妻不在顏色賢淑  
便好親戚不在新舊來往便好鄰里不在高低和睦  
便好朋友不在酒食扶持便好善哉言乎

### 惜福

清福上帝所忌惟節儉可以銷受蘇子瞻曰省費以  
養財安分以養福陳仲醇曰吾本薄福人宜行厚德  
事吾本薄德人宜行惜福事宋神宗曰身披一縷常  
思織女之勞日食三飡每念農夫之苦

### 陰德



士君子心存利濟或力不從心惟常存善念廣行方便遇人急難處出一言解救之遇人癡迷處出一言開導之遇可着力處不惜挺身超救之立心制行無非陰陽為念是亦種德也司馬溫公曰積金以遺子孫子孫未必能守積書以遺子孫子孫未必能讀不如積陰德於冥冥之中以為子孫長久之計宋真宗曰施恩布德乃世代之榮昌懷妒報讎為子孫之禍患宋神宗亦曰苟貪妒損終無十載安康積善成仁

必有榮華後裔

### 戒殺

凡遇宴賓客會親友供祭祀不能一槩斷絕亦宜量力漸除或者不食四等肉見殺不食聞殺不食持殺不食家殺不食如是而戒既不廢常且於衆中無殺害孽至遇飛禽走獸魚鼈虫蟻等類隨方救護漸養慈心則滿腔渾是生機而種無涯之福地矣

### 安命



我以厚待人人以薄待我非薄也我厚之未至也我以禮待人人以虐加我非虐也我禮之未至也彼何罪耶然則厚矣禮矣彼復薄虐者乃我命也彼何罪耶是故君子不怨天不尤人庶幾君子乎  
貴人之前莫言窮彼將謂我求其薦矣富人之前莫言貧彼將謂我求其濟矣蓋窮也貪也皆命也非可告人而得富貴者也是以羣聚之中淡然漠然付之謹默可也

財產不消大

財也大產也大後來子孫禍也大借問此理是何如  
子孫錢多膽也大天來大事也不怕不喪身家不肯罷

財產莫嫌少

財也少產也少後來子孫禍也少借問此理是何如  
子孫無錢膽也少些小財產自知保儉使儉用也過了



修身

一謹言語慎毀譽蓋言語不慎最為禍階昔楊惲以仰天拊缶之詩而致腰斬絮舜以五日京兆之言而卒棄市皆以私語而受大戮故不猷顯言之當慎也欲發一言必慮前顧後雖背地之語亦須當面可言者方可出口苟事當避諱總不如不言之為貴也故曰病從口入禍從口出萬言萬當不如一默家語云無多言多言多敗三復斯言真萬世之藥石也

一戒戲言題人綽號凡交友不宜褻狎戲謔須雍雍揖遜久敬相得卽酒杯言語之間行動起居之時俱不宜戲言以取心叱偶遇若人一讓不答再讓不答彼將自愧而不敢三矣若與之往復言角必至於疚心懷忿豈交友之道乎至於題人綽號尤為大病蓋一出其人之口則好事者必傳之為美談為人終身之玷其憾當何如哉彼亦將極口譏訕以為報復矣非自損而何



一擇交朋友居五倫之一且問道講學解惑舒悶理  
劇分憂患難緩急非友無以濟之固不可一日無也  
然貴擇其賢而有益者德業相勸過失相規斯有得  
也苟比之匪人導之以邪蕩吾心志眩吾耳目以至  
飲博荒亡其不喪志辱身者幾希矣然亦顧其人之  
自擇何如耳故云近硃者赤近墨者黑是以君子必  
慎其所處

一求己過戒愆諫夫人之有過苦不自知惟旁人視  
之甚明必虛己下問始得聞而改之苟不喜規諫人  
莫我告必至潰敗不可收拾然後知而悔之亦無及  
矣是故貴莫貴於求過病莫病於愆諫

一戒貪心夫利小害小利大害大理勢然也今人多  
不理會見一利便以為可謀謀而得之可喜也及一  
發覺利仍延去反受戮辱譬之遊魚吞餌餌未下咽  
而身歸鼎鑊矣不可不戒也

一靡恃己長人生世間一藝一能必有所長苟恃吾



之長而矜己與物鮮不败矣譬之善詔者恃己之能  
人莫敢與敵然而常繫縲綆何也蓋緣自恃其能而  
每欲訟人卒受訟困試觀愚懦之夫退步讓人者曾  
有是辱乎故仲尼曰聰明睿智守之以愚勇力振立  
守之以怯請事斯語辱其免夫

一見富貴之人不宜過諂當存自重蓋自居愈卑則  
其待我愈下彼諂富而我貪自若諂貴而我賤自如  
徒取其慢也曾何益哉故富者慎勿與之稱感貴者

慎勿求其借庇苟有所求則彼將以富貴驕我矣曾  
子辭邑曰我聞施人者常驕人受人施者常畏人縱  
不我驕能勿畏乎能以此志自持則在我者良足重  
矣

一見貧賤之人不宜倨慢當益謙和我以禮待之則  
彼雖貧賤亦當屈服於禮我一倨慢則小人蓄怨於  
心必借端生釁而我反受其毒何如我以禮待之為  
得也語云勿輕小物小虫毒身勿輕小事小隙沉舟



能善御小人者然後能為大人

一 小人之量如針眼不能容物心如棘刺常欲害人君子遇之一以仁禮待之一以大度涵之遠之可也豈可與之較哉

一 恤老貧軫孤寡倘見人之老者猶我之父兄也見人之孤幼者猶我之赤子也見人之貧病鰥寡者猶我親屬之顛連無告者也當以哀矜救濟為念斯合天地好生之心廣吾人胞與之量苟以瑣擲可欺反

肆凌虐不知天道靡常萬一身當其境亦必為人所欺者矣曾子曰戒之戒之出乎爾者反乎爾者也可不慎歟

一 淫人婦女最撻神怒逞邪淫於一夕敗婦節於終身明有王法暗有鬼神色報循環不爽毫髮古云我不淫人婦人不淫我妻豈虛語哉

### 齊家

一 居家必尋一業不宜太閑太閑則身無所事而飲



博荒亡之念起矣故凡閑居無事亦須涉獵書史以  
廣聞見或留心本業以全生理庶不虛度光陰可免  
偷生之誚

一禁婦人寺院燒香蓋寺觀菴院乃僧道香火之地  
衆目共覩輕薄遊蕩之子一見如狂且評品嘲誚無  
所不至甚至惡少羣聚擠擁凌犯者有之此時隱忍  
受辱猶諺所云落牙而自嚙者也苟能堅靜自守不  
出閫外寧有是辱乎

一戒妄交異姓兄妹夫男女有別人之大倫故雖至  
親尚當避諱禮云男女授受不親豈有異姓踈屬忍  
相往來者所謂遠間親淫破義其不至於敗常亂德  
者幾希矣可不鑒諸

一戒子孫為吏胥人謂公門一入不受人欺亦屬可  
為之一業而不知其漸不可長也試觀子弟在家恂  
恂課讀雖觴豆有節也長幼有序也取與有道也一  
言一動不敢妄發也一入其門則羣居嬉戲口無善



言雖盃酒分文些小利害便俞詬罵且喜怒無常旋  
離旋合目恬而不知怪及見鄉人滿腔騙詐張皇恐  
嚇以輕為重言無一實雖厚賄懇求惟嫌鄙薄異日  
相逢如未識面者然苟有一暇互相勾引酒肆青樓  
呼盧浮白以為取之甚易雖費之亦不惜也是以名  
為知法而犯法者愈多蓋貪縱不止見利而忘害不  
惟良心喪盡自損根基而國法難容且刑戮隨之矣  
平日所需之物已作泥沙之用偶一事發即名為賊

其迨斲吐償使費反多勢必稱貸以完甚至連利掛  
罪性命難存以為子孫之害者比比然也其或倖免  
者什之一耳故云三代讀書終必出儒三代衙門終  
必遭刑雖至愚者當知所擇矣

一禁牙婆道姑等頂婦人出入試思此輩之來無非  
圖我之舖歛利我之財帛耳且女流之性見其甘言  
媚態甚易為惑或寧儉己口而食彼者有之矣或瞞  
夫子捐奩索而助捨者有之矣或倒換黃白十分之



而不及五六之值者亦有之  
百計千方莫可枚舉  
其至罄篋空囊惟簿不修者  
屢見之矣可不禁





其全